

Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Quæstio 23. Matrimonium cum Hæretico ut licitum.

urn:nbn:de:hbz:466:1-40873

QUÆSTIO XXIII. Matrimonium cum
hæretico ut licitum.

AN matrimonium inter Catholicum , ac hæreticam , & contra , lícitè contrahatur ?

Satis constat primò , Matrimonia Catholicorum cum hæreticis , si aliud non desit , posse per se valida esse , quia modò ab Ecclesia Catholica non irritantur .

Constat tamen secundò , ejusmodi matrimonia in pluribus Ecclesiæ Conciliis ac decretis sub gravi peccato prohibita suisse , propter perieulum fidei , quod à conjugé Catholicō , & à prole incurritur , uti constat ex Concilio gener . Calcedonensi Can. 13. Et Concilio partic. Eliberitano , Laodicenfi , Carthaginensi 13. can. 12. & aliis à Pontifice approbatis , apud Sanch. de matrim. disp. 72. n. 4. Quæstio igitur proposita tantum potest locum habere de illis partibus ubi Catholicī hoc tempore vivunt hæreticis permixti : & in hac quæstione decidenda maximè variant inter se Doctorum sententiæ .

REpondeo ad quæstionem cum Sanchez de matr. lib. 7. disp. 72. n. 5. Tirino in Epist. 1. ad Cor. c. 7. v. 39. & præcipue cum Lessio in Posth. ver. Hæret. casu 23. In partibus illis matrimonia Catholicorum cum hæreticis non videri illicita , quando hæ conditions concurrunt : Primò , ut absit periculum perversionis , & persona Catholica permittatur liberè vivere in sua religione . Secundò , ut non impediatur ritu Catholicō prolem educare . Tertio , ut non sit facili sibi parem , & idoneam . Quartò , ut hæreticus non sit denunciatus , aut notorius Clerici persecutor .

cussoꝝ. Quinto ut eo loco passim sit consuetudo sic contrahendi absque ullo scandalō. Ratio est, quia tres primae conditiones efficiunt ut connubia illa non impediāt jure divino, & consuetudo tollit jus humanum, quo illa prohibentur: præsertim cum summus Pontifex in multis regnis sciat, & tamen permittat illam consuetudinem vigere. Addit tamen Lessius, non facile suadendum, quantum commodè fieri potest, ut ejusmodi connubia cum hæreticis contrahantur. Nisi (inquit Tanner. hic d. 8. q. 4. dub. 5. n. 88.) spes sit moraliter certa de conversione conjugis hæretici aut judicio prudentium aliud bonum majoris momenti expectetur.

An urgentibus hæreticis matrimonium licet contrahatur coram Ministro hæretico, postquam contractum fuit coram Sacerdote, resoluitur supra tr. 4. de matrim. c. 8. §. 2.

QUÆSTIO XXIV.

AN si hæreticus promittat conversionem, possit etiam absque dispensatione matrimonium contrahi?

Partem negativam docet Sanchez hic disp. 72. n. 4. in fine. Cum Pontio &c.

REspondeo tamen affirmativè cum Lugo de fide disp. 22. sect. 2. n. 17. Em. Sa v. Matrimonium. Hurtado hic disp. 76. §. 229. Et probatur, quia exceptio hæc invenitur in ipsis Decretis quibus matrimonia cum hæreticis prohibentur. Nam in Conc. Calcedonensi Can. 14. adduntur hæc verba: *Nisi forte sponederit se venire ad orthodoxam fidem.* Et in Cap. Non oportet, 28. quæst. 1. disertè dicitur, *filias hæreticas posse accipi, si spondent se professuras orthodoxam fidem.* Ergo inhærendo termi-